

3 Yohana Yohana ya sεmε taanri wo wemu ka ge

Jɔɔ mu we sεmε we d'a tun wε?

N'a daa fɔɔ wa mu Yohana ya we sεmε taanri wo we tun. Wee mεge ki bye Gayusi.

We sεmε we kakana ɲuɲɔ

Yohana ya li she Gayusi na na wee ya Kile Kafila wu yeε pyeεε piimu torogo wu mu ge, na w'a pu coni xuuni. Na wu ganha bu daha Jotεrfu wo ɲaha sheshεεε te feni wε. Wee Jotεrfu we bye egilizi ɲahagbaa fɔɔ, ga Yohana bi Kile Jozaama pu joveε piimu torogo wu mu ge, wu bi gbara w'a pee tirige wε.

A w'i wu fiin jo na waha sεmε wu ni na kan Demecusi mu. Wee p'a wii na wee w'a pa ni sεmε wu ni.

Sεmε wu kafila ɲugbɔɔ

3 Yohana 1-4 Yohana fɔ mujuu.

3 Yohana 5-8 Gayusi wo ɲaarigazaana le.

3 Yohana 9-12 Na Gayusi ganha bu daha Jotεrfu wo torogana li feni wε.

3 Yohana 13-15 Jomɔ pu taxɔɔ.

Yohana fɔ mujuu

¹ Nε wemu wu ɲε egilizi nɔhɔle ge, nε wa we sεmε we ka na tun na taanrii Gayusi mu, wee wemu kaa l'a dan nε ni can ye pyaa na ge.

² Na taanɲii, nε Kile ɲεeri mu mu, kɔnhɔ ma keree di da ɲaha taa tuun bεeri ni, m'a bye sicuumɔ na, ba Kile ya ma zɔ wu pye fεεfεε wε.

³ Cebooloo n'a daa fεε pii ya nɔ wèe yiri naha. Ba can wu wa mu zɔ wu na wε, ni ba mu ya ɲaari na sahanɲi ni can wu ni wε, p'a yee paari wèe mu. Yee ya taan nε ni xuuni.

⁴ Bani nε bu logo na nε nagoo p'a can wu koro ɲaari, yafiin ya dan nε ni na lee xɔ wε.

Gayusi wo ɲaarigazaana le

⁵ Na taanɲii, lemu bεeri m'a byi wù cebooloo n'a daa fεε pu mu, ali na ta p'i ɲε bε nabuun ge, lee bεeri ya ɲɔ xuuni. M'a li pyi ni ɲɔmεε fεεε ni Kile mu.

⁶ M'a pu co ni taanɲεεge kemu ni ge, p'a pa kee kaa jo n'a daa fεε pu mu naha. Ayiwa, ɲɔ mayε na, ɲara lemu p'a giin di bye sanha ge, m'a pu tεge na bε ni Kile ɲidaan ni.

⁷ Bani Yesu Kirisa wo labye wu wuu na p'a lee ɲara li pyi. Wa bεeri wu ɲε wu ya dà Yesu Kirisa na-ε ge, pu wa wee wa shishiin bε keɲε yaaga feni wε.

⁸ Lee wuu na wèe n'a daa fεε ya yaa na pii sipyii pii shi tɛri. Wù ba lee pyi, l'a bye ma na giin wèe bε p'a fara pu na pu labye wu funɲɔ ni, na can koo li shεε sipyii pu na.

Jotεrefu mεge ya kyεεgi

⁹ Ayiwa, nε ɲɔɲii kii ka sεmε wεnε la na na tun n'a daa fεε pu mu wà. Ga we wu ɲε Jotεrefu ge, wu ya se wèe kabeshεε na wε, na giin wu wuyε pye n'a daa fεε pu ɲahagbaa fɔɔ wa.

¹⁰ Lee wuu na nε ba nɔ wà, kaparaya yemu bεeri w'a byi ge, na joguumɔ pemu bεeri yu na waa wèe

na, na kafineye yemu beeri teri wèe na ge, n'a da yee beeri jo yi nii na. Wu yeε ya ta da kii ye na-ε de, wu ya ta soo cebooloo n'a daa fee p'a diri wu mu we. N'a daa fò wa be bu jo wu pee tirige wuyε yiri, w'a jo tapyege wa lee be na we, na weefò kòri yeege n'a daa fee pu pinnege ki ni.

¹¹ Ayiwa, na taanpii Gayusi, ma ganha bu da bye ye kakuuyo ye tuugo taannivò we de, ga ta kasaan̄aa taanni. Sipyawemu w'a saama pyige, wee wu je Kile wò. Ga wemu bu gori yaha kakuuyo na na byi, lee ya li sheε na weefò ya Kile ce we.

Demecusi ya masəŋə ta

¹² Ayiwa Demecusi kunni, n'a daa fee pu beeri ya wee mesaana yu. Can koo lemu be w'a jaari ge, lee be di wu mesaana yu. Wee be wa li fiin na can wu je wii.

Jomə pu taxəgə

¹³ Ayiwa, jomə nijeheme wa ne mu na yu ma mu, ga na funŋə wa di pee beeri ka seme we ni we.

¹⁴ Ne giin jo l'a da mə wèe di wùye ja, wù jo wùye nii na we.

¹⁵ Kile wu janije kan ma mu! Ma naniineε piimu pu wa naha ge, pee ya ma fò waa. Ma be wu wù fò kan wù naniineε pu beeri nigin nigin mu wà.

KARINĒĒGE NŌMĒE NIVONŌ
New Testament and Shorter Old Testament in
Senoufo, Mamara

copyright © 2014 Wycliffe Bible Translators, Inc.

Language: Mamara Sėnoufo (Sėnoufo, Mamara)

Translation by: Wycliffe Bible Translators

Contributor: Wycliffe Bible Translators, Inc.

© 2014-08-10, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 18 Apr 2025 from source files dated 29 Jan 2022

85728ed7-78f8-58e8-8967-0e976c0c2423